

INUIT ATAQATIGIIT

Inatsisartuni



16. oktober 2019

Inatsisartut Suleriaasianni § 37 imm. 1 naapertorlugu Naalackersuisunut apeqquut imaattoq matumuuna saqqummiuppara.

Naalackersuisunut apeqquut:

Nappaateqalersimaneq imaluunniit nunaqarfimmi utoqqarnik sullissisussaارunnera pissutigalugu utoqqarnik isumaginninneq qulakkeerneqarsinnaajunnaarpat utoqqalisimasup illoqarfimmut nuunnissaanik oqartussaasuniit kaammattuisoqarsimatillugu:

1. Angalanermut pisattallu assartornerannut aningaasartuutit kiap akiligassarivai?
2. Inigisassamut neqeroorutigineqartumut iserternermi depositumip akiligassap akilernissaanut kina akisussaava?
3. Suut tungavigalugit angalanissamut / pisattat nassiunnissaannut / depositumip akilernissaanut pisortat itigartitsisinnaanerannut?
 - a. Utoqqanngortup nammineq illoqarnera tassungalu akiitsoqannginnera innersuussutigalugu pisortat itigartitsisinnaappat?
4. Napparsimalernej aamma / imaluunniit sulisussaaleqineq pissutigalugu utoqqaat isumagineqarnerisa qulakkeerneqarsinnaajunnaarnera pissutigalugu nunaqarfigisamiit illoqarfimmut utoqqalisimasoq nuuttoqartariaqalerpat pisortat akiliissappata piumasaaqatit suuppat?

(Inatsisartuni ilaasortaq Sofia Geisler, Inuit Ataqatigiit)

Tungavilersuut:

Ilisimavara apeqquutit qulaani taaneqartut Kommunalbestyrelsenit ingerlanneqarmata akisussaaffigineqarlutillu.

Qulaani apeqquutit Naalackersuisunut ingerlatinnerannut pissutaapput utoqqalisunit arlalinnit saaffiginnissutaasut, taakkulu nunaqarfinni inukilliartortuni, taamalu aamma utoqqarnik sullissinissamik qulakkeerinninnissamut periarfissarissaarpallaarunnaariartortuni najugaqarput.

Apeqqutaannut tungaviusut arlaliupput, tassalu nuunnermi aningaasartuutit kimik matussuserneqanissaannut nalornineq, kiisalu nuunnermi aningaasartuutit kimik matussuserneqarnissaat pillugit oqartussaasuniit assigiinngiaartumik nalunaaruteqartarnerup nalornisitsilertarnera, pingaartumik nunaqarfinniittut utoqqaat eqqarsaatigalugit.

Kissaatigivara apeqquutikka ullut suliffiusut qulit qaangiutinnginneranni akineqarnissaat.